



EAST ASIAN LIBRARY
UNIVERSITY OF TORONTO LIBRARY
130 St. George Street
8th FLOOR
TORONTO, CANADA M5S 1A5



DS
748
L847
1786
v.3



大事記卷七

宋東萊呂祖謙伯恭撰

秦始皇帝二十六年

齊王四十四年

定燕地

以年表修

王賁蒙恬自南攻齊入臨菑齊王建降遂滅齊

以本紀世家列

傳修

王初并天下更號皇帝命爲制令爲詔自稱曰朕

以本紀修

追尊莊襄王爲太上皇

本紀

除諡法

本紀

定爲水德以十月爲歲首色尙黑音尙大呂數以六爲

紀

以通鑑綱目
封禪書修

從李斯議不置諸侯分天下爲三十六郡郡置守尉監

以本

紀修

更民名曰黔首

本紀

大酺

本紀

銷天下兵

以本
紀修

一衡石丈尺文字

以本紀修

徙天下豪富十二萬戶於咸陽

以本紀修

采古禮尊君抑臣者為時用餘皆滅之古樂唯舜大韶

周大武房中樂存改周大武曰五行房中曰壽人

以通典前

漢志修

收秦半之賦租賦鹽鐵二十倍於古更戍力役三十倍

於古

以前漢食貨志修

以黃金為上幣銅錢重半兩為下幣龜貝玉不為幣

以前

漢志

修

築女懷清臺

以貨殖
傳修

秦始皇帝二十七年定齊地

以年
表修

巡隴西北地至鷄頭山過回中

通鑑
綱目

作極廟

以本
紀修

賜民爵一級治馳道

以本
紀修

秦始皇帝二十八年東巡郡縣祠鄒嶧山刻石頌秦功

業遂封泰山禪梁父望勃海以東求仙人羨門之屬登

琅邪三月作琅邪臺渡淮之衡山自南郡由武關歸

以本紀封

禪書修

秦始皇帝二十九年東遊至陽武博浪沙中韓人張良狙擊始皇不中亡去令天下大索十日遂登之罘琅邪

過恒山道上黨人

以本紀封
禪書修

甲申秦始皇帝三十年

秦始皇帝三十一年十二月更名臘曰嘉平賜黔首里

六石米二羊

本紀

使黔首自實田

以本紀徐廣傳修

微行逢盜關中大索二十日

以本紀修

秦始皇帝三十二年東巡刻碣石門壞城郭決堤防考

入海方士遂巡北邊道上郡入

以通鑑綱目本紀封禪書修

蒙恬將三十萬擊匈奴

以本紀修

秦始皇帝三十三年發諸嘗逋亡人贅壻賈人擊南越

取其地置桂林南海象郡

以本紀修

取閩越東越地置閩中郡

以東越傳修

蒙恬大破匈奴單于頭曼北徙悉收河南地置四十四

縣築長城定臨洮至遼東萬餘里

以本紀匈奴傳修

運芻粟輸北河

以主父偃傳修

以謫徙民南戍五嶺北實河南初縣

以本紀匈奴傳修

彗星出西方

以史記注修

秦始皇帝三十四年謫治獄吏有罪者築長城及處南

越地

以年表通鑑修

從丞相李斯議焚書偶語詩書者棄市以古非今者族

欲學法令者以吏爲師

以本紀修

秦始皇帝三十五年爲直道道九原通甘泉

年表

役刑徒七十餘萬人作宮阿房及穿治驪山

以本紀修

徙三萬家驪邑五萬家雲陽

本紀

自謂真人不稱朕

本紀

坑諸生四百六十餘人於咸陽

以本紀修

使長子扶蘇監蒙恬軍於上郡

以本紀修

秦始皇帝三十六年熒惑守心

本紀

隕石東郡

以本紀修

徙民三萬家於北河榆中

以本紀年表修

秦始皇帝三十七年十月癸丑始皇出遊左丞相斯少
子胡亥從右丞相去疾守十一月至雲夢望祀虞舜上
會稽祭大禹至平原津而病使蒙毅還禱山川七月丙
寅始皇崩於沙邱平臺李斯與宦者趙高矯立胡亥爲
太子殺長子扶蘇至咸陽發喪胡亥襲位爲二世皇帝

以本紀
列傳修

九月葬始皇帝於驪山

以本紀修

殺蒙毅蒙恬子嬰諫不聽

以列傳修

復行錢

年表

大事記卷七終

大事記卷八

宋東萊呂祖謙伯恭撰

秦二世皇帝

胡亥

元年

衛君二十一年楚隱王陳勝元年
趙王武臣元年齊王田儋元年燕

王韓廣元年

魏王咎元年

冬十月戊寅大赦

通鑑

以趙高爲郎中令

以本紀修

尊始皇廟爲帝者祖廟

本紀

復自稱朕

本紀

春東行郡縣至碣石南至會稽遂至遼東而還

以本紀修

十一月為兔園

年表

夏四月更為法律

以本紀列傳通鑑修

殺諸公子公主

以本紀李斯傳修

復作阿房宮

以本紀修

徵材士五萬人屯衛咸陽

本紀

滅衛廢衛君角為庶人

以世家修

秋七月發閭左戌戌卒陳勝起兵於蕲據陳自立為楚

王諸郡縣皆殺其長吏以應楚

以本紀列
傳通鑑修

楚使吳廣爲假王擊滎陽三川守李由守滎陽拒之

以列

傳修

楚使武臣張耳陳餘徇趙地

以列
傳修

楚周文將兵數十萬入函谷關軍於戲秦大赦使少府

章邯將驪山徒擊之周文敗走出關軍曹陽

以本紀列
傳通鑑修

八月武臣至邯鄲自立爲趙王

以列
傳修

楚使魏人周市徇趙地

以列
傳修

趙使韓信徇燕李良徇常山

以列傳修

九月沛人劉邦起兵於沛下相人項梁起兵於吳

通鑑

狄人田儋起兵於齊自立爲齊王

以通鑑列傳修

韓廣自立爲燕王

以列傳修

楚立周市爲魏王市不受立魏公子咎爲魏王而相之

以列

傳修

番陽令吳芮率閩越東越舉兵以應諸侯

以前漢列傳修

龍川令趙佗據南海郡

以列傳修

秦二世皇帝二年

楚懷王心元年趙王歇元年齊王田市元年燕王韓廣二年魏王豹元年

韓王成

元年

冬十一月章邯敗周文於曹陽文走滎池章邯又大破

之周文自殺

以列傳
通鑑修

楚田臧殺吳廣

以列傳
通鑑修

從李斯請行督責

以列傳
通鑑修

趙李良弒其王武臣來降

以張耳
傳修

十二月章邯擊陳破楚軍楚莊賈弒其王陳勝以降

以列

傳年
表修

端月趙張耳陳餘立趙歇為趙王
以年表
列傳修

楚秦嘉立景駒為楚王
以年表
列傳修

章邯圍魏王於臨濟
以年表
修

楚劉邦以張良為廐將用其策
以列傳修

二月楚項梁以八千人渡江淮收兵六七萬人軍下邳

以本
紀修

三月楚劉邦以兵屬項梁
以本紀
月表修

四月楚項梁破秦嘉軍嘉與駒皆死

以本紀月表修

魏周市如齊楚請救

以月表修

楚項籍拔襄城坑其人

以月表修

六月項梁會諸別將於薛立楚懷王孫心爲楚懷王郡

盱台

以本紀修

楚立韓公子成爲韓王以張良爲韓司徒

以列傳修

齊王及楚將項佗將兵救韓章邯大敗齊楚軍於臨濟

下殺齊王田儼及魏相周市魏王咎爲其民約降約定

自燒殺

以列傳修

章邯圍齊田榮於東河

以列傳修

七月齊人立故齊王建弟假為王

以列傳修

大霖雨三月

以本紀列傳修

八月楚項梁救田榮破章邯軍於東阿下

以本紀修

齊田榮逐其王假立齊王儋子市為齊王

以本紀月表修

楚項梁請齊共擊章邯田榮不許

以本紀列傳修

用趙高計居禁中不見大臣

以本紀列傳修

右丞相馮去疾左丞相李斯將軍馮劫請止阿房宮省

邊戍詔以屬吏去疾劫皆自殺

以本紀修

楚項籍劉邦大破秦軍于雍邱殺三川守李由

以本紀修

李斯具五刑夷三族以趙高爲中丞相

以列傳修

殺博士正先

以漢書京房傳修

九月章邯大破楚軍定陶殺項梁

以本紀月表修

楚懷王自盱台都彭城

以漢書本紀修

楚立魏豹爲魏王

以月表漢書本紀修

後九月楚懷王并呂臣項籍軍以漢書本紀修

章邯擊趙大破之圍趙王鉅鹿以本紀月表修

楚懷王與諸將約先定關中者王之使宋義項籍范增

救趙使劉邦西入關以本紀修

秦二世皇帝三年楚懷王心元年趙王歇二年齊王田布二年燕王韓廣三年魏王豹二年

韓王成二年

冬十一月楚項籍殺上將軍宋義懷王因使項籍為上

將軍以本紀修

十二月楚項籍渡河大破秦軍虜王離解鉅鹿圍

以本紀修

項籍爲諸侯上將軍

以本紀修

趙陳餘亡居南皮

以列傳月表修

春二月楚項籍破章邯邯退軍棘原

以月表本紀修

夏四月楚項籍急攻章邯邯請益兵趙高不許

以月表修

六月楚項籍大破章邯吳水上

以本紀修

秋七月楚劉邦取南陽郡

以漢書本紀曹參傳修

章邯以軍降項籍

以本紀修

八月楚劉邦破武關

以本紀修

趙高弑帝于望夷宮立子嬰爲王

通鑑綱目

九月誅趙高夷三族

以本紀列傳修

楚劉邦破峽關

以本紀修

楚義帝

心元年

漢高帝邦元年西楚霸王籍元年

冬十月劉邦至霸上秦王子嬰降遂西入咸陽封府庫

還軍霸上待諸侯約

以本紀月表修

項籍將諸侯兵四十餘萬略地西至河南

以月表修

十一月劉邦與秦民約法三章

以本紀修

項籍坑秦降卒二十萬於新安

以本紀月表修

劉邦使兵守函谷關

以本紀修

十二月項籍破函谷關軍戲西鴻門遂屠咸陽殺故秦

王子嬰燒宮室火三月不滅

以本紀修

項籍不欲劉邦王關中使人致命懷王懷王曰如約

以本

紀修

春正月諸侯尊懷王爲義帝

月表

二月項籍爲天下主命徙義帝江南都彬分楚爲四目
立爲西楚霸王封楚將英布爲九江王楚共敖爲臨江
王番君吳芮爲衡山王分秦爲四封沛公劉邦爲漢王
遷之漢中封秦降將章邯爲雍王司馬欣爲塞王董翳
爲翟王三分關中以距漢分齊爲王徙齊王田市爲膠
東王封齊將田都爲齊王田安爲濟北王分趙爲二徙
趙王趙歇爲代王封趙相張耳爲常山王分燕爲二徙
燕王韓廣爲遼東王封燕將臧荼爲燕王分魏爲二徙

魏王豹爲西魏王封趙將司馬卬爲殷王分韓爲二韓

王成如其故封楚將申陽爲河南王

以月表本紀
皇極經世修

漢王欲攻西楚蕭何諫乃止

以漢書
列傳修

四月諸侯罷戲下各就國

本紀

趙佗自立爲南越王

以列
傳修

漢以蕭何爲丞相周苛爲御史大夫遣張良歸韓

以世
家年

表
修

五月齊田榮距擊齊王都都走西楚

以本紀
列傳修

齊田榮弒膠東王市自立為齊王

以月表
列傳修

秋七月齊王田榮使彭越擊殺濟北王安遂并三齊之

地

以列
傳修

齊彭越擊西楚與蕭公角戰大破之

以列傳
通鑑修

陳餘請兵於齊以擊常山

以列
傳修

西楚霸王不遣韓王成就國廢為穰侯尋殺之張良復

歸漢

以世家通
鑑綱目修

西楚奪衡山王吳芮地復以為番君

以本
紀修

漢王以韓信爲大將留蕭何漢中給軍食

以列傳世家修

八月漢王從故道襲雍大破雍王章邯於陳倉塞王司

馬欣翟王董翳皆降遂定關中地雍王章邯守廢上不

下圍之

以漢本紀修

遼東王韓廣不肯徙國燕王臧荼殺之并其地

以漢書本紀修

西楚立故吳令鄭昌爲韓王以距漢

以本紀修

漢高帝二年

西楚霸王二年

冬西楚霸王項籍弑義帝

通鑑綱目

陳餘襲常山常山王張耳敗歸漢陳餘復立代王趙歇

為趙王封陳餘為代王畱傳趙使夏說守代

以列傳修

漢王如陝

本紀

河南王申陽降漢置河南郡

以本紀修

漢以韓襄王孫信為韓太尉擊韓韓王鄭昌降

以本紀列傳修

十一月漢立韓太尉信為韓王

以本紀列傳修

漢王都櫟陽

以本紀修

漢拔雍隴西

以月表修

漢繕治河上塞以故秦苑囿池令民得田之本紀

春正月西楚霸王伐齊與齊王田榮戰於城陽榮敗走

為平原民所殺以本紀修

漢拔雍北地以本紀修

漢大赦以本紀修

二月西楚復立故齊王田假為齊王以月表修

漢令民除秦社稷立漢社稷本紀

漢置縣三老以漢書本紀修

殷王司馬卬叛西楚西楚使陳平擊降之

以世家修

三月齊田橫收齊散兵逐齊王假

以列傳月表修

漢王渡河西魏王豹降

以本紀修

漢王下河內虜殷王卬置河內郡

本紀

楚陳平降漢

以世家修

漢王爲義帝發喪於洛陽

以本紀修

夏四月齊田橫立齊王榮子廣爲齊王西楚霸王攻之

不下

以本紀修

漢以彭越爲魏相國徇魏地

以漢書本紀修

漢王率五諸侯兵五十六萬人伐楚入彭城西楚霸王

自齊還大破漢軍睢水上漢王遁楚以太公呂后歸

以本

紀修

齊田橫盡地三齊之地

以列傳修

漢王還至下邑下馬踞鞍問張良曰吾欲捐關以東誰

可與者良曰捐之黥布彭越韓信三人則楚可破

以世家修

五月漢王屯滎陽軍復振與楚戰滎陽南京索間破之

以漢書

本紀修

漢築甬道取敖倉粟

以本紀修

魏王豹叛漢附楚

以漢本紀修

六月漢還都櫟陽壬午立子盈為太子大赦令太子守

櫟陽諸侯子在關中皆集櫟陽為衛

以本紀修

漢引水灌廢上雍王章邯自殺

以本紀修

漢置河上渭南中地隴西北地上郡

以史記漢書本紀修

漢修祀典

以本紀修

關中大饑

本紀

漢王如滎陽

以本紀修

九月漢韓信滅魏虜魏王豹

以漢本紀修

後九月漢韓信擒代相夏說於關與遂取代

以韓信傳修

匈奴冒頓弑其父頭曼自立爲單于復取秦蒙恬所奪

地

以漢書列傳修

漢高帝皇三年
西楚霸王三年

冬十月漢韓信張耳大破趙軍於井陘口殺陳餘虜趙

王歇遂滅趙

以漢本紀
列傳修

漢韓信遣使說燕王臧荼下之

以列
傳修

甲戌晦日有食之

以漢書
本紀修

十一月九江王布叛楚楚使龍且擊破之布奔漢

以漢
本紀

通鑑
修

癸卯晦日有食之

本紀

十二月漢王屯成皐

以漢本紀
列傳修

漢丞相蕭何遣昆弟子孫從軍

以世
家修

漢王遣酈食其立六國後以張良諫而止

以漢本紀列傳修

夏四月西楚霸王圍漢王於滎陽

以漢本紀修

楚范增辭歸道卒

以漢本紀修

五月漢王畱周苛守滎陽遁人關復出軍宛葉間

以漢本紀

修

漢彭越擊西楚

以漢本紀修

漢王復軍成臯

以漢本紀修

六月西楚霸王拔漢滎陽殺周苛遂圍漢王於成臯漢

王走渡河奪韓信軍遣韓信擊齊

以漢本紀列傳修

秋七月有星孛于大角

以漢書本紀修

臨江王共敖薨子尉嗣

以漢本紀修

八月漢使彭越劉賈燒楚積聚

以漢本紀修

漢彭越徇梁地取十七城

以漢本紀修

九月西楚霸王留曹咎守成皐自擊彭越復取十七城

以漢本紀修

漢遣酈食其說齊下之

通鑑綱目

漢高皇帝四年

西楚霸王四年

冬十月漢韓信襲破齊歷下軍齊王田廣走高密西楚

使龍且救齊

以漢本紀修

漢大破楚軍於汜水殺曹咎

以漢本紀修

漢王渡河復取成皐與西楚霸王皆軍於廣武

以漢本紀修

十一月漢韓信大破齊楚於濰水殺龍且虜齊王廣齊

相田橫自立爲齊王灌嬰敗之橫奔彭越遂盡定齊地

以本紀

列傳修

大事記

卷八

漢立張耳爲趙王

以漢本
紀修

漢王還櫟陽四日復如廣武

以漢本
紀修

春二月漢使張敖立韓信爲齊王

以漢本
紀修

蒯徹說齊王韓信以三分天下之計不從

以列
傳修

秋七月漢立黥布爲淮南王

以漢本
紀修

八月漢初爲算賦

以漢本
紀修

北貉燕人致梟騎助漢

以漢
本紀

漢王合軍士死者吏爲棺歛轉送其家

以漢
本紀

漢以周昌爲御史大夫

以年表
表修

西楚與漢約中分天下以鴻溝爲界九月西楚歸太公

呂后於漢解而東歸

以漢本
紀修

大事記卷八終

大事記卷九

宋 東 萊 呂 祖 謙 伯 恭 撰

漢太祖高皇帝五年冬十月王追西楚項籍至固陵遣

使許齊王韓信魏相國彭越地皆引兵來會

以本紀修

十一月西楚大司馬周殷舉九江兵降

以本紀修

十二月王與諸侯兵大破西楚軍於垓下項籍走死東

城楚地悉定

以本紀修

封項伯等四人爲列侯賜姓劉氏故項籍臣稱其主名

者盡拜爲大夫鄭君不從逐之

以本紀列傳修

王還至定陶奪齊王韓信軍

以本紀修

盧綰滅臨江虜其王尉

以本紀修

春正月徙齊王信爲楚王封魏相國彭越爲梁王

以本紀修

赦天下

以本紀修

二月甲午卽皇帝位于定陶汜水之陽

以本紀人事記修

更王后曰皇后太子曰皇太子追尊先媼曰昭靈夫人

通鑑

封故衡山王吳芮為長沙王故粵王亡諸為閩粵王

以本

紀修

帝西都洛陽

以本紀修

夏五月兵皆罷歸家

本紀

復諸侯子在關中者十二歲

以本紀修

聚民保山澤者令各歸其縣復故爵田宅自賣為人奴

婢者免為庶人

本紀

詔守尉長吏善遇高爵

以本紀修

置酒洛陽南宮

本紀

召故齊王田橫未至洛陽三十里自殺

以通鑑修

以季布爲郎中斬丁公以徇

通鑑綱目

帝西都關中

以本紀修

六月赦天下

以本紀修

秋七月燕王臧荼反陷代地帝自將征之

以史記漢書本紀修

趙景王耳長沙文王芮皆薨

以史記月表通鑑修

八月立趙太子敖爲趙王長沙太子臣爲長沙王

以本紀年

表修

九月滅燕虜臧荼封太尉盧綰為燕王罷太尉官

以本紀史

記年

表修

使樊噲以丞相將兵攻代

以史記本紀修

項籍故將利後反帝自擊破之

以本紀修

後九月治長樂宮于長安

以史記前漢本紀修

漢太祖高皇帝六年冬十月令天下縣邑城

本紀修

十二月帝遊雲夢會諸侯於陳執楚王韓信是日赦天

下

以皇極經世
史記本紀修

帝還至雒陽赦韓信封為淮陰侯

本紀

甲申始剖符封大功臣二十餘人為徹侯

以通鑑修

春正月丙午分楚地為二國以淮東東陽鄣吳三郡五

十三縣封從兄將軍賈為荆王以淮西碭薛郯三郡三

十六縣封弟文信君交為楚王

以史記漢書
本紀通鑑修

壬子以雲中鴈門代三郡封兄宜信侯善為代王以膠

東膠西臨淄濟北博陽城陽六郡七十三縣封子肥為

齊王以本紀修

以曹參爲齊相國以列傳修

諸侯得自除御史大夫羣卿以下衆官如漢朝淮南王傳

徙韓王信國於太原以本紀修

三月封雍齒爲什方侯以本紀通鑑修

定功行封又作元功十八人位次以史記本紀通鑑年表修

帝歸櫟陽以本紀修

張良杜門不出以列傳修

夏五月丙午尊太公爲太上皇

通鑑

立大市於長安

以史記年表修

以張蒼爲主計

以列傳修

秋匈奴冒頓圍韓王信於馬邑夏月信以馬邑降匈奴

與匈奴南攻太原至晉陽

以本紀列傳修

命叔孫通徵魯諸生起朝儀有兩生不肯行

以列傳修

漢太祖高皇帝七年冬十月長樂宮成諸生羣臣朝正

于長樂宮始用新儀以叔孫通爲奉常

以列傳年表修

命蕭何次律令韓信申軍法張蒼定章程

本紀

帝北征韓王信于銅鞮信走匈奴遂征匈奴至平城白

登為匈奴所圍七日用陳平計得出

以皇極經世本紀修

十二月帝還過趙不禮趙王張敖

以本紀修

匈奴攻代代王棄國自歸雒陽赦為合陽侯

本紀

辛卯封子如意為代王

以本紀修

春令郎中有服耐以上請之民產子復勿事二歲

本紀

二月帝至長安遂定都丞相以下自櫟陽徙治長安

以史

記漢書

本紀修

治未央宮立東闕北闕前殿武庫太倉

本紀

置宗正官以序九族

本紀

夏四月帝如洛陽

以本紀修

以陳豨爲趙相國監趙代邊兵

以本紀盧綽傳修

徙豐民於驪邑更名曰新豐

以地理志修

漢太祖高皇帝八年冬帝東擊故韓王信餘寇於東垣

還過趙貫高謀爲逆不果

以稽古錄修

以建武侯靳歙爲車騎將軍

以列傳荀悅漢紀修

十二月帝至自東垣

以本紀修

春三月帝如洛陽

以本紀修

復吏卒至平城者終身

以本紀修

令賈人毋得衣錦繡綺縠絺紵蜀操兵乘騎

以本紀修

秋八月吏有罪未發覺者赦之

本紀

九月帝至自雒陽

以本紀修

漢太祖高皇帝九年冬十月未央宮成淮南王英布梁

王彭越趙王張敖楚王交及羣臣朝於未央宮置酒

殿帝奉玉卮爲太上皇壽

以史記漢書本紀修

遣劉敬奉宗室女翁主名爲長公主以妻匈奴單于

以史

記漢書

列傳修

十一月徙楚昭氏屈氏景氏懷氏齊田氏及燕趙韓魏

強族於關中

以史記漢書本紀列傳修

十二月帝如洛陽

以本紀修

春正月廢趙王張敖爲宣平侯徙代王如意爲趙王

以本

紀修

詔丙寅前殊死以下皆赦之

通鑑

三月帝至自洛陽

以本紀修

以張敖故臣田叔孟舒等十人爲郡守諸侯相

以本紀修

夏六月晦日有食之既

以本紀五行志修

以丞相蕭何爲相國

以年表修

罷渭南河上中地郡復隸內史

以地理志修

以御史大夫周昌爲趙丞相

以史記年表修

甲辰漢太祖高皇帝十年冬十月淮南王英布燕王盧

綰荆王賈梁王彭越楚王交齊王肥長沙王吳臣朝於

長樂宮

以史記
本紀修

以符璽御史趙堯爲御史大夫

以史記漢書年
表周昌傳修

夏五月太上皇崩於櫟陽宮

漢記
通鑑

秋七月癸卯葬太上皇于萬年楚王梁王皆來送葬赦

櫟陽囚

漢紀通
鑑史記

八月令諸侯王立太上皇廟于國都

本
紀

九月趙相國陳豨反於代帝北征次于邯鄲以漢書史記本紀皇

極經世修

詔縣道官獄疑者各讞所屬不能決者移廷尉廷尉不

能決者以聞

以荀悅漢紀刑法志修

漢太祖高皇帝十一年冬十月帝在邯鄲大破陳豨軍

以周勃爲太尉定代地

以本紀年表修

春正月淮陰侯韓信謀反長安夷三族

本紀

故韓王信與匈奴據參合樊噲柴武擊斬之

以本紀列傳修

帝還雒陽

以本紀修

封子恒爲代王頗取山南太原之地益屬代代之雲中

以西爲雲中郡

以本紀修

赦天下

本紀

二月立郡國朝獻口賦法

以通鑑綱目修

詔郡國求賢

通鑑綱目

三月廢梁王彭越爲庶人徙蜀尋夷三族

以本紀列傳修

分梁地爲二國立子恢爲梁王子友爲淮陽王

以本紀列傳修

夏四月帝至自雒陽

以本紀修

五月遣陸賈立秦南海尉趙佗爲南粵王

以本紀修

帝有疾樊噲排闥問疾

以通鑑列傳修

秋七月淮南王英布反擊殺荆王劉賈并其地北渡淮

擊楚楚王交走入薛

以史記漢書本紀修

帝自征英布發關中巴蜀兵爲皇太子衛軍霸上赦天

下死罪以下皆從軍

以本紀修

立子長爲淮南王

以史記本紀修

漢太祖高皇帝十二年冬十月帝大破英布軍於蘄西

布走渡淮數止戰不利與百餘人走江南長沙王吳臣

誘殺之於番陽

以本紀
列傳修

帝還過沛置酒沛宮復其民世世無所與

以本
紀修

甲辰帝崩于長樂宮丁未發喪赦天下

以本
紀修

以陳平爲郎中令復樊噲爵邑

以本
紀修

盧綰亡入匈奴

以本
紀修

五月丙寅葬長陵皇太子羣臣反至大上皇廟上諡曰

高皇帝是日太子嗣位是爲孝惠皇帝

以本紀修

尊皇后曰皇太后

本紀

詔高爵宗室外戚民老者幼者有罪寬其刑

以本紀及注修

田租復十五稅一

本紀

詔吏六百石以上其家唯給軍賦故吏嘗佩二千石官

印者亦如之

以本紀修

令郡國立高皇帝廟

以本紀修

漢孝惠皇帝元年冬改諸侯王相國爲丞相

荀氏漢紀

召趙丞相周昌詣長安

以列傳修

太后殺趙王如意及其母戚氏

以皇極經世修

令民買爵以贖罪

以本紀修

賜民爵戶一級

本紀

徙淮陽王友爲趙王

史記本紀

賜酈侯呂台父周呂侯澤諡曰合武

以史記本紀修

始作長安城西北方

以史記大事記修

漢孝惠皇帝二年冬十月楚王交齊王肥來朝

以史記本紀修

齊王獻城陽郡爲長公主湯沐邑尊公主爲太后以本紀列

傳修

春正月有兩龍見蘭陵家人井中本紀

隴西地震本紀

夏旱本紀

秋七月辛未相國鄧文終侯蕭何薨以本紀通鑑修

癸巳以齊丞相平陽侯曹參爲相國以史記大事記修

漢孝惠皇帝三年春大發關中民城長安三十日罷以稽

古錄本

紀修

復以宗室女爲公主妻匈奴單于

以本紀修

夏五月立閩越君搖爲東海王

本紀

六月發諸侯王列侯徒隸二萬人城長安

本紀

秋七月都廐焚

本紀

南越王趙佗入貢

以本紀修

蜀湔氐反擊平之

以史記大事記通鑑修

漢孝惠皇帝四年冬十月壬寅立長公主女張氏爲皇

后以本紀
列傳修

春正月舉民孝弟力田者復其身本紀

三月甲子皇帝冠赦天下本紀

省法令妨吏民者本紀

除挾書律本紀

立原廟渭北以通鑑修

長樂宮鴻臺災本紀

雨血于宜陽漢紀

秋七月乙亥未央宮凌室災丙子織室災

本紀

漢孝惠皇帝五年冬十月靄桃李華棗實

本紀

春正月復發關中民城長安三十日罷

以本紀修

夏大旱

本紀

秋八月己丑相國平陽懿侯曹參薨

以本紀修

九月長安城成

本紀

漢孝惠皇帝六年冬十月諸侯王以都城成來賀

以史記本

紀修

以安國侯王陵爲右丞相曲逆侯陳平爲左丞相

以年表修

齊悼惠王肥薨

通鑑

遣張良立齊太子襄爲齊王赦齊境內

以列傳史記大事記修

匈奴單于冒頓爲書嫚太后樊噲請擊之從季布議而

止

以列傳修

令民得賣爵

本紀

民女子年十五以上至三十不嫁五算

以本紀修

夏六月舞陽武侯樊噲薨

以本紀修

立西布修太倉

以史記大事記
漢書本紀修

畱文成侯張良薨

以通鑑
漢紀修

以周勃爲太尉

通鑑

漢孝惠皇帝七年冬十月詔灌嬰將車騎材官屯滎陽

以本

紀修

春正月辛丑朔日有食之

本紀

夏五月丁卯日有食之既

本紀

秋七月戊寅帝崩于未央宮

本紀

太后使呂產將南北軍

通鑑綱目

九月辛丑葬安陵皇后張氏名後宮子爲太子至是卽

位謁高廟

以本紀外戚傳修

太后臨朝稱制赦天下

本紀

甲寅漢高皇后呂氏元年冬十一月甲子以右丞相王

陵爲帝太傅左丞相陳平爲右丞相典客辟陽侯審食

其爲左丞相食其不治事監宮中

以史記本紀漢書年表修

太傅王陵謝病免

以列傳修

追尊太后父臨泗侯呂公爲宣王兄周呂令武侯澤爲

悼武王

以通鑑修

春正月除三族辜妖言令

本紀

二月置孝弟力田官一人秩二千石

以本紀修

夏四月長公主薨立公主子張偃爲魯王諡公主曰僂

元太后

以通鑑修

辛卯立孝惠後宮子疆爲淮陽王不疑爲恒山王山爲

襄城侯朝爲軹侯武爲壺關侯割齊之濟南郡爲呂國

立酈侯呂台爲呂王

以史記本紀
漢書年表修

五月趙王宮叢臺災

本紀

秋桃李華

本紀

御史大夫趙堯抵罪以上黨守任敖爲御史大夫

以漢紀百

官表

修

漢高皇后呂氏二年冬十一月呂肅王呂台薨立呂太

子嘉爲呂王

以通鑑史
記本紀修

春正月詔定列侯朝位

以本紀修

大事記

卷九

五

巳卯地震羌道武都道山崩

本紀

楚王遣子郢客入都受業齊王遣弟章入宿衛夏五月丙申封郢客爲上邳侯章爲朱虛侯以郢客爲宗正又

以呂祿女妻章

以年表列傳修

六月丙戌日有食之

本紀

秋七月恒山王不疑薨無後立襄成侯山爲恒山王更

名義

以史記漢書本紀通鑑修

行八銖錢

本紀

封鄧文終侯蕭何夫人同為鄧侯

以史記
年表修

薄高皇后呂氏三年夏江水漢水溢流民四千餘家

本紀

秋星晝見

本紀

伊水洛水溢流千六百餘家汝水溢流八百餘家

通鑑

漢高皇后呂氏四年春二月癸未封孝惠後宮子太為

昌平侯

以年表
通鑑修

夏四月丙申封淮陽丞相呂勝為贅其侯趙丞相呂更

始為滕侯呂忿為呂成侯太中大夫呂它為俞侯舞陽

武侯樊噲夫人呂嬃爲臨光侯

以史記本紀年表修

廢少帝幽殺之五月丙辰立恒山王義爲帝更名曰弘

不稱元年

以通鑑本紀修

封軹侯朝爲恒山王

以史記本紀修

以平陽侯曹窋爲御史大夫

通鑑

禁南越關市鐵器

通鑑

漢高皇后呂氏五年春南越王趙佗自稱南武帝

本紀

秋八月淮陽懷王彊薨立壺關侯武爲淮陽王

以通鑑修

九月發河東上黨騎屯北地

本紀

初合戍卒歲更

以史記大事記修

漢高皇后呂氏六年冬十月廢呂王呂嘉十一月立肅

王弟產爲呂王

以通鑑修

春星晝見

本紀

夏四月丁酉赦天下

本紀

齊王遣弟興居入宿衛封爲東牟侯

以列傳年表修

秩長陵令二千石六月城長令

本紀

匈奴寇狄道攻阿陽

本紀

行五分錢

本紀

漢高皇后呂氏七年冬十二月匈奴寇狄道

本紀

春正月丁丑趙王友幽死於邸

本紀

己丑晦日有食之既晝晦

以史記漢書本紀修

二月徙梁王恢爲趙王呂王產爲梁王梁王不之國爲

帝太傅

通鑑

立惠帝後宮子平昌侯太爲呂王更名梁曰呂曰濟

川史記本紀

割齊琅邪郡立高祖從祖弟大將軍營降侯澤爲琅邪

王以本紀年表修

夏五月追尊太上皇妃昭靈夫人曰昭靈后以本紀修

六月趙王恢自殺廢其嗣以史記本紀修

朱虛侯章侍宴以軍法行酒以荀氏漢紀通鑑修

陸賈說丞相陳平與太尉周勃相結以荀氏漢紀通鑑修

秋使使告代王恒欲徙王趙恒謝願守代邊乃立武信

侯呂祿爲趙王

以史記
本紀修

九月燕靈王建薨太后殺其子國除

以史記
本紀修

南越王侵長沙遣隆慮侯周竈擊之

以通鑑舉
要歷修

漢高皇后呂氏八年冬十月辛丑立呂肅王子東平侯

通爲燕王

通鑑

春三月太后被還遂病

以史記
本紀修

夏四月丁酉封中大謁者張釋爲建陵侯諸中官宦者

令丞皆爲關內侯

以史記年
表本紀修

江水漢水溢流萬餘家

本紀

秋七月以趙王呂祿爲大將軍將北軍呂王產居南軍

以史記

本紀修

辛巳太后崩于未央宮遺詔赦天下以產爲相國祿女

爲帝后

以史記
本紀修

合葬長陵

史記外
戚世家

以左丞相審食其爲帝太傅

以史記
本紀修

八月丙午齊王舉兵討呂氏西攻呂國之濟南

以史記
本紀列

傳修

相國呂產使灌嬰擊齊嬰留屯滎陽與齊連和

以史記本紀修

九月庚申太尉周勃入北軍使朱虛侯章入宮殺呂產

及長樂衛尉呂更始諸呂無少長皆斬之

以史記本紀修

辛酉廢魯王張偃為南宮侯

以史記本紀年表修

壬戌復以帝太傅審食其為左丞相尋免

以史記本紀修

戊辰徙濟川王太為梁王立趙幽王子遂為趙王

以史記本紀

紀修

遣朱虛侯章告齊王罷兵灌嬰兵亦罷滎陽而歸

以史記本

紀修

諸大臣迎立代王恒後九月巳酉晦至長安廢少帝代

王卽皇帝位是爲文帝誅高后所名惠帝子弘朝武太

以史記本

紀年表修

以代中尉宋昌爲衛將軍鎮撫南北軍代郎中令張武

爲郎中令

以史記本紀修

赦天下賜民爵一級女子百戶牛酒酺五日

以史記漢書本

紀及
注修

大事記卷九終

